

Nr. 44
Laurdag
6. juni
1998

12. årgang
Laussal kr 9.00
Tlf. 56 30 29 50
Telefaks 56 30 24 77

OS & FUSA POSTEN

Hegglandsdalen
skule
SIDE 10

HUSK
AMAUEIN HANSENES HUS
V. GRETHE TELLE
V. 21 BERGEN

Kai misbrukt

Sjølv om skiltet på kaien i Nordstrøno seier at det berre er tillate med av- og pålossing, ligg båtar i ro fleire veker i strekk.

SIDE 4

Historisk barnehageopptak

Ingen på venteliste, nokre ledige plassar, førskulelærarar i alle stillingar og velukka brukartilpassing – det er kva barnehagekonsulent *Guðrun Ophaug Boge* og småbarnsforeldra i Fusa kan gle seg over etter hovudopptaket til barnehagane.

SIDE 4

Kommuneplanta

Til 20. juni må du ha teke avgjerd om du har tenkt å koma med framlegg til kommuneplante for Os. No skal Os hagelag sin idé realisere, og folket i Os får vera med og avgjera.

SIDE 11

Ny helseundersøking

Måndag startar ei ny helseundersøking i Os.

SIDE 5

H vinduet
døren

Uansett farge eller størrelse;
"Du bestemmer selv leveringstiden!"

H-TRE

Krokeidevegen 6, Fana

Forhandler i Os:

AUWCON

56 30 25 26



7 043432 312313



Kulturutvalet pluss administrasjonen på etaten og ordførar stille på Lysøen då *Bergljot Lysand Bjørø* (midt på biletet) fekk kulturstipendet for 1998. Bak frå venstre: *Skjold Sørensen, V. Børge Lunde, H og Henry Lunde, Ap. Vidare Liv Sissel Kvalvaag, Sp, Øystein Nordvik, Sl og Georg Jørgensen, TvP. Framme: Ordførar Geirmund Dyrdal, kultursjef Karl Ole Midtbø, Rolf Bjørø, Asmund Lien og Kari Heggland, TvP. (Foto: Anne Margrethe Matre Hjemdal)*

Kultursamling på Lysøen

Torsdag samlast kulturutvalet i Os til møte på Lysøen. Den einaste saka på "kartet" var utdeling av kulturprisen. Utvalet hadde mange kandidatar, men hadde samla seg om *Bergljot Lyssand Bjørø*.

SIDE 11

Båtulukke i Strandvik?

Like før avisa gjekk i trykken fredag ettermiddag fekk vi melding om ei mogeleg båtulukke i Strandvik. Klokka 1530, då vi hadde kontakt med lensmannsbetjent *Anders Opsal* ved Fusa lensmannskontor, leita fire båtar etter ein person som ein fryktar har falle i sjøen utanfor Strandvik.


Lensmannskontoret venta på dette tidspunktet på assistanse av politibat fra Bergen og fly frå Hovudredningssentralen.

Bakgrunnen for leiteaksjonen er at ein bat vart funnen på rek og med arene i tollegangane. Bilen som tilhørde han som brukte båten, stod på oppstillingsplassen på kaien like ved båttestet, men mannen var ikkje å sjå. – Båten vart funnen ikkje langt frå båttestet, og vi har starta søket her. Men vi veit ikkje enno om vi må utvida leiteområdet og heller ikkje kvar båten har vore, seier Opsal.

På eitt tidspunkt i saka fekk lensmannskontoret melding om at mannen var sett på ein annan stad i bygda etter at båten vart funnen, men dette sporet førde ikkje fram til at den ettersøkte var funnen då klokka var 1630.

LEDIGE LOKALER Handle- og Bjørnegården

Handle- og Bjørnegården på Os ønsker velkommen nye leietakere. Vi har ledig kontor- og butikklokaler. Areal og standard tilpasses leietakers ønsker.




Kontakt
Geir Fredriksen
☎ 906 00 111 eller
☎ 66 77 38 54 for
en prat og avtale
om visning

Ove Jonny Holmefjord:

Reparerer saga di etter fjøstid

– Det har i stor grad blitt eit etter fjøstid-oplegg, seier Ove Jonny Holmefjord. Opplegget han snakkar om går særleg ut på reparasjon av motorsager, men òg av anna teknisk utstyr til bruk i skog og hage. Han bur på Holmefjord, og har verkstad i eit nybygg atmed bustadhuset sitt.

Kåre Dolland



– Reparasjon er det viktigaste, seier Ove Jonny Holmefjord, her i arbeid med ei sag.

No, ein skal ikkje ta dette med "etter fjøstid" heilt bokstaveleg. Men det er gjerne på kveldstid at bønder og andre kjem til Ove Jonny Holmefjord med motorsager og liknande når desse reiskapane må vølast.

Det høver godt for reparatøren òg, for attåt arbeidet som landbruksmekanikar, har han sidan 1989 vore sjåfør i BHV. Men då køyringa stort sett er konsentrert til morgon og ettermiddag, har han som regel tid til verkstadarbeid midt på dagen òg.

Arbeidet på verkstaden er aukande.

Kr 25 000 fra næringsfondet

Nyleg fekk Ove Jonny Holmefjord kr 25 000 i støtte fra kommunen. Han søkte om kr 75 000. Støtta er til "bygging av eit sals- og verkstadelokale for handutstyr for jord- og skogbruk," og gjeld den delen av investeringa som omfattar skogbruk.

Løyvinga går over posten Framhjelp for næringslivet.

Samla kostnad med bygging av lokalet, kjøp av verktøy og etablering av lager med kontor er rekna til kr 150 000.

Av søknaden går fram at Holmefjord no har arbeid på verkstaden tilsvarande eit halvt årsverk, og at han vonar å koma opp i eitt årsverk.

Lang fartstid i faget

Ove Jonny Holmefjord har vore landbruksmekanikar sidan 1973. Som 18-åring byrja han då som hjelpearbeidar hjå Fergu-

son forhandlaren Skjelbreid & Co i Forde. Etter to-tre år der, vart Bergen den nye arbeidsstaden hans, og da som mekanikar i firmaet Maskinsalg AS. Der kom han etter kvart borti sal av Valmet-tractorar òg; frå 1979.

I 1983 starta den Os-atta Erling Moberg firmaet Moberg Maskin AS, eit firma som forhandla Valmet-tractorar i Nordhordland og dessutan selde Jobu motorsager. Firmaet heldt til i Alvermarka i Lindås. Tre år før hadde Ove Jonny Holmefjord flytta attende til heimegrenda.

På slutten av 1980-talet datt botnen ut or marknaden for landbruksmaskiner. I 1989 byrja Holmefjord difor som sjåfør i BHV, eit yrke han har framleis.

Men dei mange som hadde kjøpt motorsag av han, venta at han òg skulle vøla sagene dei- ra når det trøngst. Han tok til med det i eigen kjellar.

A-forhandlar

Jobu var no slutta med eigen sagproduksjon, men importerte dei svenske sagene Jonsered.

I tilknytning til reparasjon av sager, fall det naturleg for Holmefjord å selja sager òg. Difor vart han Jonsered-forhandlar.

– Og sidan har det botte på seg, seier Holmefjord, som no kan skilta med status som A-forhandlar. Det vil seia at han sel alle Jonsered-produkta, som attåt vanlege motorsager omfattar ryddesager, verneutstyr for skogsarbeidarar og teknisk utstyr til bruk i park og hage, t.d. plenklipparar.

I 1994/95 bygde han kombinert garasje og verkstad på bortimot 100 kvm. Verkstaden i nyebygget kom i bruk for halvtanna år sidan.

Reparasjon det viktigaste

Holmefjord ser reparasjon som det viktigaste. Selja utstyr, sager og anna, det kan mange gjera, òg i Fusa, om dei det vil. Men reparasjon av sager er eit fag, og krev dessutan at ein har eller på kort varsel får tak i reservedelar til alle dei mest vanlege merka. Holmefjord har komplett delelager til Jonsered,

og kan raskt skaffa delar til dei to andre merka som vert produserte av Electrolux-konsernet, dvs. Partner og Husqvarna, og til Stihl.

Ove Jonny Holmefjord er den einaste i Fusa som har reparasjon av motorsager som spesialitet. Ein må elles innom Bergen sine grenser for å finna dei næraste reparaturane. Og kunden treng ikkje stå oppradd medan Holmefjord har ei sag til reparasjon, for han har sag til utlån når det er særskild trøng for dette.

Veksande marknad

Sjølv om "det har botte på seg", finn ikkje Ove Jonny Holmefjord at tida enno er inne for å sleppa bussrattet. Men med dei store mengdene av skog som snart må hoggast i Fusa, vil marknaden for skogsutstyr veksa sterkt. Store maskiner må nok til skal det mona tilstrekkeleg, men det vert sikkert òg bruk for mange vanlege motorsager, og dermed òg for reparatøren ved Holmefjord-sjøen.

Få kontrollar i 1. kvartal

Kontrollutvalet i Os som skal sjå til at løyvehavarar for sal og skjenking av øl, vin og brennevin ikkje bryt regelverket, har i 1. kvartal føreteke 21 kontrollar på salsstader, skjenkestader og ved tildeling av ambulerande skjenkeløyve.

På årsbasis skal det vera 105 kontrollar på sals- og skjenkestader, og kvart femte ambulerande løyve skal kontrollerast. Difor ligg ein etter skjemaet i første kvartal, noko som skal rettast opp utover året, slik at ein ved årsslutt skal ha oppfylt krava, skriv helse- og sosialetaten som melding til hovudutvalet sitt.

Det er ingen rapportar om brot på regelverket i 1. kvartal.

Det finst 17 salsstader for øl og vin i kommunen. Desse skal kontrollerast minimum tre gonger per år, til saman 51 gonger.

Det finst 18 skjenkestader i Os. Desse skal og ha minimum tre kontrollar årleg, altså til saman 54 kontrollar.

Søknader om alkoholservering

På helse- og sosialutvalsmøtet i Os 27. mai, lag det føre fem søknader om skjenkeløyve frå ulike verksemder.

Butikk Buena AS søkte om salsløyve for øl, Ingaug Brimsholm, butikkstyrar i Leipsøy, har søkt om løyve til ølsal frå tidlegare Øiernes Handelseforening, Stallmestergaarden på Moldegaard (driv no med ambulerande løyve) har søkt om skjenkeløyve for brennevin, Ludvik (tidlegare Gio-vanni) har søkt om skjenkeløyve for øl og vin, og Aud's Pub og overmatting i Buggegården har søkt om skjenkeløyve for øl og vin.

Buena, Øiernes, Ludvik og Aud's Pub fekk løyve.

Moldegaard sin søknad hadde negativ tilråding, og dette vart stadfesta i utvalet, men med denne tilføyninga:

På bakgrunn av endringar i alkohollova av 1.1. 1998, vil ein koma attende til vurdering/tilpassing av dei kommunale retningslinene for tildeling av skjenkeløyve for brennevin i samband med varsia rullering av retningsliner hausten 1998.

Saka går vidare til kommunestyret.

Differensierte opnings- og skjenketider?

Tilrådinga frå administrasjonen var negativ i saka om å opna for differensierte skjenke- og opningstider i Os. Òg eit fleirtal i hovudutval for helse- og sosial (5) sa nei til å utvida skjenke- og opningstida på Madammen frå klokka 0100 til 0200 fredag og laurdag. Mindretalet på fire røysta for.

Utvida skjenketid vil etter vurdering frå legevakttenesta og lensmannen gje negative konsekvensar, og er heller ikkje i tråd med ruspolitisk målsetjing for Os kommune om 25 % reduksjon av alkoholforbruket innan år 2000.

Saka går vidare til kommunestyret.

Helseundersøking i Os

Tysdag kjem ein ny buss og tek plassen etter Mamografibussen ved Kyrkjetoet. Denne gongen er det Helseundersøkinga i Hordaland ved Statens helseundersøkelse som er på hjul i distriktet. Folk som er fødde i åra 1925 til 1927 og 1950 og 51 vert kalla inn til denne undersøkinga.

Anne-Margrethe Møre Hjemdal

Folk får innkalling med dato og tidspunkt per brev.

Helseundersøkinga har leigd venterom i Kyrkjetoet, der folk trekkjer kølapp og ventar på tur.

Undersøkinga omfattar føl-

gjande: måling av blodtrykk, høgd, vekt, livvidde og hoftevidde, og blodprøve med analyse av m.a. kolesterol og blod-sukker.

Føremålet med Helseundersøkinga i Hordaland er å skaffa seg informasjon gjennom å følgja opp dei undersøkte slik at

faktorar som er avgjerande for seinare utvikling av sjukdom kan identifiserast.

Spørjeskjema

Ved innkalling får folk òg sendt eit spørjeskjema som dei må fylla ut før dei møter til helsekontroll.

Her vert det spurt om eiga helse, muskel- og skjelettplager, sjukdommar i familien, korleis du lever med omsyn til mosjon, om du røykjer eller brukar alkohol, og om du er interessert i å endra helsevanar. Det vert òg spurt om utdanning og trivsel,

medisinbruk, arbeid og samliv. Helseundersøkinga er eit tilbod og frammeleis frivillig.

Møt fram

Helsesjef i Os, Nic Lunde vurderer tilbodet som godt, og oppmodar alle om å møta fram.

– Det er nyttig å få kjennskap til den risiko ein eventuelt har for hjartelidingar, slik at ein kan redusera risikoen ved å gjera noko med livsmønsteret sitt, seier Lunde.